

近代中國史料叢刊續編第六十八輯  
沈雲龍主編

今傳是樓詩話

王逸塘著

文海出版社

有限公司

印行

合肥王逸塘著

今傳是樓詩話

寶琛



# 今傳是樓詩話

逸塘

閩縣何棣生振岱。有姑留稿。聽水石遺海藏諸老。稱其能詩。清言見骨。憂憂獨造。而又不失之艱澀。亦云難矣。孤山獨坐。雪意甚足。云山孤。有客興徘徊。悄向幽亭藉綠苔。鐘定聲依無際。水詩成。意在欲開梅。暮寒潛自湖心起。雪點疑隨雨脚來。一飲恣情宜早睡。兩峰曉待玉成堆。鐘定一聯。君爲石遺書扇。漚上沈子培諸君亟賞之。余居東日。有和友人句云。詩課怕從忙。裏斷鐘聲聽到靜。時圓似亦未經道過者。

棣生居杭州甚久。詩亦特工。三竺六橋。時有足迹。余最喜誦其步尋靈隱寺書所見云。長松老鬣交空翠。晚稻秋香打時穗。人家樹頂偶雞鳴。草徑風前有遺毳。寒流細石引人深。遇澗逢橋聊一憇。鈴聲沈沈出烟際。小隊香籃馱細騎。野翁山行盡攤笠。越女邨裝亦高髻。風傳噴語驚葉下。三竺相聞隔秋靄。我生于佛不知虔。偏近僧居足吟思。興來倚石立移時。看竹聽泉忘入寺。又高昌廟獨步看柳詩云。曳日搖風意不禁。長堤徐步盡千林。年時莫怨芳華

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



歎得庇行人。且作陰亦有寄託。少陵廣廈。香山大被。皆此類也。

龔定菴詩集中。爲秦編修敦夫作。凡數見。所謂蜀關一老抱衰絃者是也。其來編修詩序云。編修固乾隆朝耆舊也。閱人多。心光湛然。而氣味沈厚。溫溫然耐久長。卽此可想見編修之爲人矣。江安傅氏雙鑑樓藏有定菴致編修手札。極致推重。中云。士大夫多瞻仰前輩。一日則胸中長一分邱壑。長一分邱壑。則去一部鄙陋。潛移默化。將來或出或處。所以益人邦家。與移人風俗不少矣。云云。定庵高才不羈。官京曹時頗有狂名。獨於耆舊恆折節敬事。此札粹然儒者之言。老輩襟期。乾嘉風尚。於此可見。不僅詞翰之工已也。又定庵己亥雜詩一絕云。里門風俗尙敦龐。年少爭爲齒德降。桑梓溫恭名教始。天涯何處不家江。自注。家大人扶杖出游。里少年皆起立。今日異說滿天下。後生以凌侮前輩爲能。引年尙齒之風掃地以盡。世變之來。尙可問哉。噫。使定庵生今日。其感喟又當何如也。

建德周玉山尙書丈。由粵督致仕。晚居沾上。杜門讀易以終。亦喜吟詠。嘗深夜披覽不休。諸子以早寢諫。公徐舉程子語曉之曰。不學便老。而衰此足爲後生矜式矣。公精攝生之術。年

逾八十。雖嚴寒不着綿袴。每日必作小楷。與李文忠之日習楔帖。同爲老輩恆德。余最初見公。尙居青島。張弢樓李季皋兩丈。爲余談公治河理財政績甚詳。曾錄入筆記中。亦因庚申被掠失去。公初受知於文忠。亦以文字因緣。相傳公渡海四絕第三首云。隱隱雷車蕩紫瀾。月明長嘯碧空寒。蒼烟劃斷浮雲影。多少魚龍側目看。文忠許爲大器。時蓋同治辛未。先生自滬乘輪赴津。年祇三十五歲也。又有青島子役感懷一律云。北風吹雪滿天寒。滿目滄桑不忍看。尺土尙歸周版籍。遺民猶著漢衣冠。是誰布局重重錯。相對枯棋著著難。挽日回天。寄有力可憐。筋骨已凋殘。此詩載公訃狀中。余居東日。退食錄以示我。其時公之詩集尙未印出也。

清季達官能詩者。南皮張廣雅外。應推虞山相國。公晚號松禪老人。所著有瓶廬詩稿。戊戌被放後。歸隱墓廬。爲詩益工。顧其時黨論方酷。忌者猶衆。畏譏避謗。情見乎詞。亦可傷矣。集中將之山右視彼珊瑚姪云。海程行過復江城。無限蒼涼北望情。傳語蛟龍莫作劇。老夫慣聽怒濤聲。又春中舟次偶成云。春中浦畔子胥祠。正是山寒木老時。四裔竟將魑魅禦。寸衷尙

有鬼神知老韓。合傳誰能辨。劉李同官莫漫疑。此去閉門空谷裏。會須讀易更言詩。亦係指  
戊戌年事。凡熟光宣廟局者。類能言之。鄭海藏有暮寒一律云。宮中二聖自稱歡滄海。歸人  
感暮寒。旅力既憊。時竟失風波。垂定事尤難。是非坐共微言絕。恢復終憑老眼看。料得淚痕  
潛漬筆。卅年密記在金鑿。自註四月二十七日感事。蓋亦爲虞山被逐時作也。

南海逝矣。域內讀書種子。又少一人。知與不知。無不愧歎。庚申于役滬上。文酒往還。與君最  
洽。君頗珍其書。曾以聯語屏幅多種見詒。極承推重。今亦佚矣。余東渡後。賃廡神戶。愛其山  
水。須臾月見。屐齒慣經。君薨歲逋亡。居此亦久。篇什流傳。未可無述。其須磨春日二首云。草  
長鶯飛已暮春。櫻花雲閣盡飄茵。杏花又逐桃花落。梅子生同李子酸。幾日繁華憐歷劫。看  
人車馬自欷巾。杜鵑紅徧空山老。世事濃枯笑轉輪。水滿池塘樹滿陰。萬紅飛盡綠沈沈。雨  
雲朝暮黃梅熟。邱壑榛蕪紅藥深。茗薺芽銷長日罄。壺蘆木擱忽雷琴。清泉白石還吾願。僻  
地枯禪證佛心。又夏日游須磨存篔簹六首錄其四云。北嶺屏開翠。東溟浪打藍。吾廬足邱壑。  
秋色滿松杉。撫石行攤卷。鋤花命託錢。亂離滿天地。搖落自江潭。俗變攻吾短。園幽得日長。

閉門。惟種菜。因樹且懸床。觀化養生主。無名安樂方。疏鐘送晚雨。山翠撲人涼。晏坐松林宴。觀時日月深。落花厚盈寸。積雨滯層陰。有欲頗觀妙。無言自證心。入游非想定。天地聽飛沈。曳杖蒼苔徑。柴扉晝不開。海風吹作凍。山雨歇還來。我佛蓮花淨。故侯瓜蔓栽。葵黃好顏色。向日復何哉。此外題詠。佳什猶夥。不備錄矣。

南海爲舉人時。文名藉甚。丁酉游食廣西。廣西省城外有隆佑寺者。元祐黨籍碑所在地也。碑石至今猶存。羣公方爲游賞之會。南海賦詩云。媼相薰天錮。黨人鞭龍箠。鳳已千春。卽今隆佑年間。路猶爲遺。碑動馬塵。氣象萬千。人皆擱筆。然戊戌黨獄。竟成詩讖矣。又某年由汴洛西行入秦。其過陝州游羊角山甘棠廟詩云。峇嶢羊角倚陂陀。滾滾黃流舟楫過。秋色危城蒼翠滿。依然表裏壯山河。余於報端見之。然尙非南海得意之作。

清友園在東須磨。月見山之間。距大手廬極近。頗饒花卉。雖風景平平。一入吟詠。便增聲價。余初訪之。曾有所見不逮所聞之感。海藏有探梅詩四首。其一云。天空海闊須磨驛。山靜日長清友園。流落中原仍世外。梅花數點憶中原。余暇時輒喜挈室人育季偕游。竟未有詩。



亦一恨事。南海亦有訪清友園梅花詩云。不堪風緊又冰堅。日撥殘灰度歲年。臥病時經新舊歷。出門山帶暖寒烟。聞香索笑巡林下。踏雪穿花繞水邊。百樹梅花一逋客。鬢絲禪榻忘人天。又三月三十日。自須磨依山行。游清友園。百花落矣。惟紅躑躅滿山。感賦云。躑躅連山碧素非。百花凋謝牡丹稀。孤芳落落殘紅秀。亂木陰陰衆綠肥。白奈欵塘人獨立。紫藤纏路蝶紛飛。天涯春盡增悵。悵時序遷流人事。非皆佳什也。

侯官郭匏匄丈曾所與友人論養生之法。以善睡爲上。並紀之以詩云。百年三萬六千場。強半銷磨在睡鄉。悟得浮生都若夢。奔波何苦逐人忙。東華塵土閱流年。常及雞籌唱曉先。補我蹉跎天有意。衰慵勅賜日高眠。安知魏晉孰爲今。夢裏桃源尙許尋。卻笑宋人太癡絕。苦言事滿五更心。貝州破賊見精神。路國華夷一異人。猶有流傳譙鼓句。黃紬被裏放衙頻。一枕沈酣百不知。魏公心學豈余欺。修成聖佛黃潭浦。真有橫陳嚼蠟時。五龍甘臥卽神仙。可惜夷譜不傳一覺墜。驢寧有意陳橋笑。見太平年數詩語多玄理。兼饒故事亦可作養生新論讀也。余於古人詠睡詩。喜誦者亦有數首。陸放翁云。相對蒲團睡味長。主人與客兩相。

忘須臾客去。主人登一半西窗。無夕陽。呂榮陽云。老讀文書。興易。闌須知善病。不如閉竹牀。瓦枕虛堂上。臥看江南雨。後山姜白石云。老去無心聽管絃。病來杯酒不相便。人生難得秋前雨。乞我虛堂自在眠。皆深得閒適之趣。又王半山云。細書妨老讀。長簟愜昏眠。取簟且一息。拋書還少年。則意境略別矣。

袁杏南中丞大化。吾皖之渦陽人。改革後僑居沽上。却掃自娛。自玉山老人逝世後。亦巋然魯殿靈光矣。君所著撫新紀程中。有過長安舊城句云。山河王氣鎖關中。漢武秦皇一世雄。抔土未乾宮闕火。空留渭水自西東。佳構也。

商邱末山言至。爲牧仲中丞公子。著有緯蕭草堂詩集。汪鈍翁爲之序。盛稱其趨庭聯句之作。今觀集中所載。如木瓜宋刻絲蟠桃圖孔雀鱗魚紅豆諸什。皆咏物詩也。山言有聯句後復成一絕步。家大人均云。投老心情喜譽兒。聯吟又把歲寒卮。極知學語多生澀。不類斜川集裏詩。讀之想見承平盛事。余尤喜其寄示園丁詩云。三春忽餘二。正植栽種期。南園隙地多。雜卉都相宜。爾無薄小桃。爾無輕枝柳。但得勤爾力。樹大自有時。昨聞園內亭。歲久將傾。

欬。賴。此。蔽。風。雨。須。早。補。葺。之。亭。前。蓄。薇。架。亦。當。加。扶。持。我。髮。已。種。種。安。能。常。拘。繫。歸。去。在。四。月。猶。及。聽。黃。鸝。頗。似。學。香。山。誠。齋。者。不。事。雕。琢。平。淡。中。殊。有。真。趣。

同邑張漁邨先生丙。一字娛存。工書能詩。久負宿望。先君子晚出先生門下。每爲述行誼甚詳。先生幼慧。十三歲賦明遠臺懷古歌。操筆立就。同邑耆碩蔡石瓢家瑜以神童目之。與趙響泉席珍王二石塋盧半溪先駱吳菊坡克俊蔡篆卿邦甸戴登峰鴻恩諸先生。酬唱無虛日。號爲城東七子。嘉道間。吾邑風雅之盛。甲於有清。所著有延青堂詩存。瓣香蘇陸。兼及韋柳。陽湖陸祁孫繼輅。秉鐸吾肥。尤雅重之。先生不得志於鄉舉。晚乃以著述自娛。祁孫題其集云。奈何風櫓中。苛論責。聾。明珠不能言。一擲等草芥。蓋惜之也。先生亦有懷師友詩云。肥水南。言憶舊遊。打頭學舍最宜秋。一從花向河陽種。腰折仍當惱督郵。自註云。祁孫學博。秉鐸吾邑。輯蘭言錄。以修省志勞勩。知江西貴溪。忤上官落職。集中又有王貞女傳貞女詩。皆有關鄉國風教者。

先生有歲暮懷里門諸子詩。吳丈菊坡克俊云。少年湖海客。老大少還家。寂寞門羅雀。虛無。

手。捕。蛇。紅。橋。傷。破。夢。繪有紅橋優鉢。哭。空。花。燕。玉。謀。宜。早。吾。生。正。未。涯。趙。孝。廉。響。泉。席。珍。云。  
蛙。夢。亭。何。似。年。時。與。病。親。鍵。關。避。租。吏。倒。屣。揖。詞。人。狂。態。今。猶。昔。交。情。澹。益。真。一。門。風。雅。集。  
此。樂。不。厭。貧。謂令嗣云盧。同。學。半。谿。先。路。云。循。陔。思。養。志。歲。入。定。如。何。春。恨。忘。情。少。秋。懷。積。  
淚。多。譚。詩。傷。語。苦。說。夢。見。心。婆。新譜紅樓應。有。閒。題。詠。歸。來。爲。我。歌。戴。孝。廉。登。峰。鴻。恩。云。與。  
子。同。磨。鐵。多。君。獨。貢。金。燕。臺。三。載。別。楚。雨。一。秋。心。未。遂。春。明。夢。權。歌。雪。雁。吟。故。人。知。念。念。曾。  
不。託。琴。音。君善又有懷王二石表兄塋云。造物憐才也。忌才一棺。漂泊劇堪哀。梁園客散尋。  
常。事。不。分。無。人。賞。雨。來。自。註。二。石。豪。宕。不。羈。以。副。貢。就。職。州。別。駕。簽。發。河。南。不。久。謝。世。所。居。  
笑。園。賞。雨。茅。屋。今。易。主。矣。之。數。君。者。皆。吾。邑。耆。宿。與。先。君。子。雅。故。趨。庭。時。習。聞。甚。稔。錄。此。詩。  
亦。可。以。想。見。其。爲。人。也。

漁邨先生詞學白石。自謂詞學與白石相類。全椒王小鶴城。與先生爲文字之交。題延青堂。  
集詩云。平生豈獨善。談詩度曲填。詞亦冠時偶。窺一片。吉光羽。已歎千秋黃絹詞。其傾服至。  
矣。先生集中與小鶴唱酬頻數。有過全椒弔小鶴詩云。難尋隨會新邱壠。愁過黃公舊酒罇。

小別。廿年。生死。隔。阜陵。烟。樹。太。模。糊。篤。於。風。義。不。僅。詩。工。洪。楊。之。亂。前。輩。遺。著。多。付。劫。灰。先生。延。青。堂。集。從。玄。孫。庚。叔。於。民。國。乙。卯。歲。始。克。在。申。印。行。響。泉。先。生。手。書。之。綠。天。紅。雪。詩。冊。余。以。舊。存。孤。本。覆。印。其。寥。天。一。齋。詩。集。四。卷。暨。哲。嗣。雲。持。之。雲。無。心。軒。詩。集。猶。待。續。覓。菊。坡。先生。晚。號。蔗。翁。又。號。晚。遂。老。人。所。有。著。羅。雀。山。房。詩。集。聞。僅。存。殘。帙。余。最。愛。其。東。葛。城。道。中。一。絕。云。衰。柳。殘。蟬。夕。照。閉。寒。驢。得。得。客。心。間。行。過。東。葛。復。西。葛。看。盡。環。滁。四。面。山。簡。括。有。唐人。意。城。東。七。子。末。學。小。生。殆。無。能。舉。其。姓。字。亦。可。慨。矣。

友人杭縣王耕木來。裝有世除白髮無公道。人祇黃金有故交。句余最喜誦之。近見莆田林西園翰有秋自雜興去。中原此局算衰殘。蕭瑟江關活計難。白髮黃金雙怪物。看人老大與飢寒。川意與耕木相同。然憤世之意。見乎詞矣。君爲石道門人。詩力甚深。時有獨到語。如久客鬢輪山色綠。新年詩共雨聲轟。雜樹亂遮三面水。疏鐘閒打二更涼。皆可入摘句圖者。有清中興時代。吾鄉人才輩出。李文忠張靖達劉壯肅其尤著也。文忠詩已摘入詩話。靖達詩不經見。似無存稿。壯肅少耽吟事。大潛山房詩鈔。多壯歲之作。洲鄉曾文正作序。中謂山。

谷學杜公七律專以單行之氣運於偶句之中。東坡學太白則以長古之氣運於律句之中。樊川七律亦有一種單行栗姚之氣。余謂小杜蘇黃皆豪士而有俠客之風者。省三所爲七律亦往往以單行之氣差於牧之爲近。蓋得之天事者多。若能就斯塗而益闢之。參以山谷之闢強而去其生澀。雖不足以悅時目。然固詩中不可不歷之境也。云云。讀此可以知壯肅之詩矣。公起家軍伍。累建殊勛。撫墓之役。建議胥關大計。奏牘具存。足徵特識。惜厄於執政。未竟厥施。歸田後。養疴山中。被徵不起。甲午之挫。公不與焉。集中題風雨窮途圖云。午夜衝寒。喚渡河。滿天風雨。悵如何。一身落落。誰知己。四顧茫茫。且放歌。豈是蘆中人。未識恐教髀裏肉。生多畫工。似有規儂意。不寫逍遙寫折磨。又川前均述懷有句云。名士無妨茅屋小。英雄總是布衣多。頗爲一時傳誦。人謂公作此圖。蓋紀微時風味。亦美談也。絕句如贈盡臣子務歸里云。百戰澄清衣。錦還征途。揮手淚潛潛。傾囊各贈千金去。祇濟人艱莫買山。皆饒有襟抱。石遺室詩話謂公詩偶對甚整。仍近樂天如好管。是非生性直。不憂得失此心寬。謀國已蒼元。老鬢荷戈漸。白少年頭。士卒向人誇捷狀。黎民拱手服雄師。一年僅此日。萬里是前。

程。皆是。實則集中佳句固不止此。石遺曾任幕幕。於公論詩尤稔。見所爲大潛山房詩序中。不贅述。

余友荃莊最久。頗稔壯肅家世。其弟蘅莊亦盛年工詩。尤所神往。荃莊聞余有詩話之輯。曾以壯肅軼詩寫寄。乃同治十三年督師陝西乞病歸里。留別乾陽者。詩云。得遂歸田志。君恩肯放還。解兵渡渭水。策馬出秦關。不歷風波境。焉知世事艱。此行無建樹。羞對二華山。秦兵不渡隴。界限總分明。我抱虛糜恥。誰將寇難平。徒憂回紇馬。未解世人情。努力期來者。朝廷務遠征。兩詩刻石秦中。亦可作詩史讀也。

壯肅吟事之外。尤嗜楸枰。往還多奕客。周小松其最著也。聞公奕詣所造頗深。特在公爲餘事。遂爲所掩耳。吾邑近卅年來。工奕者衆。蒯禮卿丈夙亦嗜此。友人中如張樂山之仁。李子幹國棟。亦其錚錚者。惜皆早逝。不獲馳騁中原。競爭國手。近則西陽喬梓。天事與學力俱勝。海內外早有定評。殆駸駸乎今之通國奕秋矣。

譚復生嗣同。天才卓越。詩筆瑰璋。所著有莽蒼蒼齋詩二卷。皆三十以前之作。君以三十又

三就義。詩多散佚。青金片羽。彌可珍貴。余最喜其論藝絕句。其一云。意思幽深。節奏講米絃。寥落久成灰。瀟橋兩岸。蕭蕭柳。曾聽貞元樂府來。自註。往見瀟橋旅壁。塵封隱然。若有墨跡。拂拭諦辨。其詞曰。柳色黃於陌。上塵秋來長。是翠眉。翠一鸞。月更黃於柳。愁煞橋南繫馬人。讀罷狂喜。以爲所見新樂府。斯爲第一。而未署姓名。未知誰氏。按此詩乃樊樊山題壁作。復生不及知也。兩君詩風神曼秀。皆可傳唱旗亭。

復生逸詩。多有佳者。山路云。鳥鳴空谷冷。人影夕陽低。瘴中云。穿蓬寒月勁。嚙舵夜江喧。晚望云。暝色渡寒綠。蒼莽生空烟。夢詠瀑布云。手提一匹練。高挂萬峯顛。蘭州小西湖云。黃水挾林喧。樹杪青山勸。酒落尊前。山寺云。雲隨一磬出。林杪窗放。羣山到榻前。夜集武昌曾文正祠園云。四面晴嵐山氣溼。一庭空翠笛聲涼。感秋云。滿地菊花初有雁。度關楊柳盡辭鴉。詠柳云。不妨俯仰隨風力。自有經綸織雨絲。上巳懷仲兒云。江湖歸夢消。長夜風雨離愁了。一春詩才如此。竟不假年。黨論方新。清社旋屋。人亡國瘁。感慨系之。

近華國離誌載有袁項城劄錄之戊戌大事記。係葦齋所芟次者。敘述當日政變關係甚詳。



盡復生且有非流血不能變法一語。可謂壯矣。記有月日可考。亦治國聞者極好參考資料。也附記於此。

滇池王采臣人文。一字豹君。余於辛亥國變後。于役春中。過從極密。近年同隱沽上。腐室伊邇。偶於菜羹香中相聚小酌。情話更依依也。閱報端詩。見有署淡叟者。知爲君作。冲夷恬靜。如其爲人。君與榮縣趙香宋侍御熙交最深。有壬子秋七月題趙堯生萬松深處手卷卽送南歸一篇錄之。趙子拋豸冠。所思在深谷。深谷何所有。萬壑松謾謾。世變瞬滄桑。風雲驚大陸。蜀亂天下先。聚斂叢怨讟。操舟民猶水。能載亦能覆。吁嗟四海窮。焉能永天祿。余疏傷罪言。君章空藥牘。戕民以自戕。寧食若輩肉。國破違言家。河山淒滿目。不死又經年。且醉今秋菊。壽君還送君。白髮催歸速。南榮千萬山。山山翠成簇。入山恐不深。遐想山間屋。當門補薜蘿。永日儕麋鹿。峨眉幽更幽。何時偕卜築。又送趙樾村乘議職南歸句云。老尙有親真。至樂生幾無。地更何歸。次胡蘧公均勻云。並世酒人殊落落。過江名士太紛紛。又壯氣年來消損盡。除看冰雪便風沙。皆不能無身世之感者。

二十年前。寓京時。友人爲余盛稱香宋侍御之能詩。然未及過從也。曩曾有句云。并世詩人。欠識面。石遣香。宋又蒼。虬石遣老人。固閩之詩傑。蒼虬則鄂友王君。傅三稔友。雅善繪事。贈余頗夥。亦從未一見也。若論蜀中俊流。香宋固應首屈一指。海藏亦有題萬松深處卷子詩云。入山恨不深。入林恨不密。苟非違人者。此事殆難必。去年在京師。恣意尋松。樾一訪慈仁寺。數過法源刹。當時有所詠。出語極哀裂。知音或先覺。果爾國不活。吾曹當餓死。避世未爲潔。流離携短卷。俯仰媿明哲。雲間松層層。屋頂山鬱鬱。世外多此境。不去定何說。君今曷自題。遣意向幽絕。夢中聞松濤。灑然解煩熱。自注時堯生病瘡新愈君於國變後。流寓海上。回川後。卽隱居不出。曾刻意填詞。旋亦中輟。所爲詩久已流播海內。余最喜其送楊昫谷入蜀七絕百首。直可當游記讀。寶融久宦未歸。每爲余言。讀君此詩。便動鄉思。

綿竹曹纒。衡經元。一字寶融。香宋侍御之鄉人也。名字與畢秋帆尙書適合。據云初非有意襲之。世固有此奇事。余中華校中多詩友。寶融而外。如彭醴士粹中。羅超凡兆鳳。李筱瀛國柱。張翰飛鵬翎。其最著者。醴士翰飛兼擅丹青。尤爲難得。筱瀛有賦答纒。衡社長以漫社集。

見示賦贈一首云。虛谷聲聞喜。楚然繁霜初。沍沉寥天。願憑樽酒陪高論。坐絕韋制補太玄。并世才名香宋後。九秋生日放翁前。自注陸放翁十月十七日生瓣香自有眉山在。接迹靈

巖與共傳。

自注畢秋帆制府每歲必集賓客爲東坡作生日畢著有靈巖山館集壬戌正月二十日先生客京師亦與孫師鄭吏部同集漫社諸友爲東坡作生日香宋

一聯以贈寶融殊切并錄於此。

偶閱石湖集有秋前三日雨詩。暑殘堪喜亦堪驚。恰似沙場喋血兵。縱有背城餘燼在。能禁幾度瀉秋聲。與放翁之塵市尙餘三伏熱。秋光先到野人家。句同一意境。火雲六月偶一披誦。便覺心地清涼。

近日盛傳曲園老人雜詩九首。京中某報且載其墨蹟。題爲病中墨語。匣劍帷鏑。隱厲近事。據云稿爲其女孫所得。秘不示人。春在堂集未及載也。中有一絕云。英雄發奮起爲強。各盡封疆各設防。道路不通商販絕。紛紛海客整歸裝。說者謂殆爲近日外僑聯翩歸國寫照。又一絕云。張弛從來道似弓。略將數語示兒童。悠悠二百年間事。都在褻翁夢一中。余謂山鬼尙能知一歲事。曲園飽閱滄桑。晚耽禪悅。伊川披髮。已識先幾。或不盡出於時流傳會也。

曩聞友人傳誦板橋道人乩詩四律。塞廬遂以鈔示。乃甲子七月在京中某社降壇之作。其第四章云。輕。飄。飛。渡。木。蘭。艘。風。送。驚。濤。月。滿。江。溢。浦。宵。深。秋。瑟瑟。石。鐘。烟。咽。水。淙。淙。中。流。簫。鼓。從。天。下。一。片。旌。旗。望。氣。降。商。婦。夢。啼。商。女。恨。吹。來。玉。笛。總。新。腔。說。者。謂。頗。與。近。事。膾。合。今日固中土有史以來未有變局也。以詩境論。格律高渾。固是佳作。正不得以預言少之。亦未可與推背圖燒餅歌並論也。又近日報載。余友碧夢。乩詩絕句。語多不類。其亦好事者之假託乎。

李越縵慈銘頗自矜其詩。白華綠拊閣集。流傳海內。早有定評。日記手稿五十一冊。尤爲君畢生心力所萃。承學之士。幾無不手執一篇者。接武厲杭。允無忤色。廣雅官京曹時。頗重其詩。稱爲明秀。君極口不承。且有眞賞不逢。斯文將墜之憤語。文人篤於自信。且喜相輕。亦結習使然也。君每謂予詩自是七古第一。七律第二。五古第三。余尤喜其七絕諸作。九日偕孫子九行湖上云。競湖秋淨碧於羅。樹裏漁舟不斷歌。行到夕陽中堰埭。邨莊漸少好山多。上巳日行秀州道中作云。客舫新添殺水痕。征途心事不堪論。桑畦未綠春蔬長。看盡桃花到。

石門姑蘇道中云。夜夜金閨載酒游。家家明月水邊樓。畫船漸近簫聲細。小隊銀燈下虎邱。首春玉輦橋前書所見云。長記秋波小住時。御街難得馬蹄遲。分明流水宮前影。消盡年光總不知。梅雨中至中江三首云。盧橋含桃取次遲。盧橋實非此。杷今借用之。年來鄉味不禁思。鶉鳩聲裏絲絲雨。正是楊梅上市時。渡錢塘江云。江身如帶一舟杭。近指西興便解裝。七載亂離人九死。居然今日渡錢塘。風神綿邈。信非才人莫辦。

越縵累試不第。納資爲部郎。久之乃通籍。故集中對此。尤多骯髒之語。答周叔雲季旣兄弟云。鑄錯已嗤秦博士。自註余初以貢。得太常博士。解嘲重署漢山郎。濁流何與蒼生計。虛羨朱儒粟一囊。

嚴寒入署戲詠示曹中諸君。錄其一云。畫諾虛勞問姓名。綠莎聽少履綦聲。低眉總覺輸公等。捉鼻深慙動宦情。誰道濁流爭此地。絕憐欸段負平生。賢郎豈是相如意。多爲凌雲賦未成。又偶閱放翁詩集。多及三山紅橋。余舊居三山。又先疇所在也。慨然有作云。鑄錯賢郎奈若何。渭南詩裏感懷多。三山田墅紅橋宅。換得春明一曲歌。牢落之感。情見乎詞。京官風氣。自光緒初葉已大變。戶曹登川。較史禮爲雜。賢郎大都尙聲氣交游。造謁報謝無虛日。暇則

徵歌狎飲以爲常。鮮治事者。君獨鍵戶讀書。蒔藥種花。非其人不與通。經年不一詣署。尙書朝邑閻公。方嚴覈名實。下教諸郎。分日入謁。尙書坐堂皇。旁一司官執簿唱名。堂下聲諾。如點隸呼囚者然。吏持牒至。君手書累千言。責其非政體。不當辱朝廷而輕量天下士。伉直激切。如昌黎與張僕射書。走筆付吏去。閻公得書頗善之。事遂已。事見山陰平步青所爲君傳。論者謂越縵之清鯁。與朝邑之虛懷。均能行古之道者。陳叟庵先生有句云。不須遠說乾嘉盛。說到同光已惘然。此又可以覩世變矣。

海藏每日未晨卽起。年屆七十。神王如少壯人。自云十餘年以來。早眠早起。寒暑無間。尤徵恒德。有示石遺詩云。寐叟深言夜坐非。石遺却道宵行奇。海藏夜夜樓頭坐。恰是晨鐘欲動時。又雜詩云。前答爲老卒。夜夜登戍樓。皆詠此也。丁卯新歲有題夜起庵一絕云。雞待五更能一鷓。鶴知夜半不須眠。沈吟送盡西窗月。回首東方白盡天。余戲謂之曰。近方做第三句工夫。但未知第四句何日實現耳。相與拊掌大笑。

錢塘金農。字壽門。三絕之譽。海內所知。君取崔國輔寂寥抱冬心之語以自號。所著冬心先

生集。生前手鈔付女兒收藏。並係以詩云。古調泠泠造。眇微玉池。清水自生肥。流傳若待官。三品誰重。襄陽是布衣。又云。卷帙編完。頂髮疎中郎。有女好收儲。幘箱剝落紅。蠶傲莫損嚴。家。餓。隸。書。亦一段佳話也。集中有詣庶滋上人齋堂。蔬飯望中條山云。淨名已悟小輪囷。紺宇精嚴一欸扉。孤竹瘦於尊者相。野雲白似道人衣。何曾心地妨禽鳥。且向齋堂飽蕨薇。試上莓梯。腰脚健。中條山色見。纖微孤竹一聯。與林和靖湖水淨於僧眼。碧山光濃似佛頭青。句可謂異曲同工。

偶讀放翁江樓醉中作。有句云。天上但聞星主酒。人間寧有地埋憂。愛其工切。余舊有風月一錢休。川買弟兄四海。更何憂之句。友人以爲甚似放翁。又俗稱入妓館者爲打茶圍。放翁城南馬上作云。寄語長安衆。年少妓圍不似獵圍豪。又元遺山送杜子詩。北渚曉晴山入座。東原春好妓成圍。是在宋元時已有此稱矣。

有清一代詩體。自道咸而一大變。開山之功。首推吾皖歙縣程春海侍郎。君以魏科官。登下崇尙樸學。風采隱然。爲一時重。詩宗昌黎。雙非所詣。亦可方駕。鐔石齋。海內推備林禁酒者。

阮儀徵外。輒首及侍郎。年未中壽遽卒。然其流風餘韻固已沾溉不少矣。典黔試時得人最盛。鄉子尹珍及其門。侍郎詔之曰。爲學不先識字。何以讀三代秦漢之書。乃致力於許鄭二家之學。旋又相從湖南。故其爲詩濡染侍郎者獨深。何道州子貞亦侍郎門下士。光大師說。與有力焉。先後其間者。則爲祁壽陽曾湘鄉諸公。遂開有清詩體之變局。壽陽集中有春海以山谷集見示。再疊前韻云。胎骨能追李杜豪。肯從蘇海乞餘膏。但論宗派開雙井。已是綏山得一桃。人說仲連如鶴子。我憐東野作蟲虻。蟠。柱。都。嘗。徧。且。酌。清。尊。試。茗。醪。此。可。見。當。日。之。風。尙。矣。

侍郎遺集。乃平定張石舟穆所編次者。詩凡四卷。近日坊間已不易覓。集中有合肥城外別家三弟惠浦云。金斗城邊路。先人有舊蹊。先大夫少時依合肥令張孫圃先生讀書縣衙聯牀非意料。騎馬又分携。恩戴三山重。文愁五色迷。歸途傾菊酒。重聽汝南雞。乃與吾邑遺獻有關者。又題黃小谷畫二絕云。楚楚丹黃壓樹鮮。疏疏籬落帶花妍。緯蕭亦有江干屋。吹破西風已十年。杏花。赭。赭。柳。柔。柔。屋。角。春。禽。促。駕。半。縱。不。有。秋。聊。自。樂。絕。勝。辛。苦。覓。封。侯。二詩余亦喜誦之。



陶靖節詩。真西山稱其原本經術。最爲特識。譚復生報劉淞芙書。亦云學詩宜窮經。方不爲浮詞。所囿於陶集。既驗其然。卽有宋儒先以質理爲詩。至爲才士贅語。然平心論之。惟擊壤集中。有過於俚率者。至朱子陳白沙於聲調排偶之中。仍不乏超然自得之致。此詣又何可幾及。云云。持論平適。適獲我心。人謂復生才氣橫溢。涵養未至者。殆又未窺全豹矣。

建德周止齋學熙。爲玉山老人之季子。人但稱其精於理財。而不知詩詣之深。亦遠邁並時流輩。比歲謝去塵務。相羊山水。青鞵布笠。大有少伯泛湖之風。卜築大連。光風臺下。屋小如舟。高曠可想。今春與余有海上觀櫻之約。余寄詩柬之。有避世光風。鋤菊徑。傳家秋浦。愛蓮圖。青山咫尺。勞招隱。遲我花期。手一壺之句。君懸之山齋中。把臂入林。信有夙契。

止齋詩。不輕示人。聞所至。以劍南集自隨。且爲精鈔本。寢饋既深。自然閒適。潛夫錄示其題。邵慎亭册子一律云。浮生已是再眠蠶。俯仰乾坤入夢酣。風捲落花紅片片。雨霑新柳碧毵毵。蔬齋一鉢忘兼味。茅屋三間當作菴。何日得尋雲水去。芒鞋竹杖遍江南。亦近作也。津連往來。以長平丸爲最適。須臾船長。欸容尤殷。且喜誦余詩。屬書近作。必得請乃已。所藏

雲烟帖一册。余及合肥執政芳澤公使諸人均爲題墨。近與周止庵同舟返津。渠聞余述止庵行詣。復以爲請。止庵爲書大海有眞能容之量。明月以不常滿爲心。十六字。蓋紀前一夕。余與止庵舟中賞月時實景也。時距月望。尙有五六日。故有此語。本地風光。並見襟抱帖中。有汪精衛所書西湖舊作一首。錄之。臨流莫笑影婆娑。一月西湖得再過。烟斂波光如薄醉。日融山色似微醺。疏鐘渡水無歧瀨。落木攢空有靜柯。短棹夷猶亦徒爾。累他汀雁戒心多。精衛夙嗜文學。書亦娟秀。汀雁一結。尤見作意。憶乙丑春初訪余於沽上。明石廡廬。暢談約兩小時。並斤斤以剖白非赤化爲幟志。忽忽已三年矣。一緡閱閉。回首前塵。能無棖觸。福山王文敏懿榮庚子之難。闔門殉節。有清中葉。朝士精鑒別。就風雅者。吳縣潘文勤伯寅。常熟翁文端叔平外。惟公丰采隱然。爲一時重。集中有請續修四庫全書一疏。略稱考據一門。後來居上。藝數之流。晚出愈精。亟應續纂。事雖未行。頗徵特識。所爲詩五卷。多行役遊覽之作。馬鬼驛。云碧落黃泉何所期。世閒更莫怨生離。石壕邨裏夫妻別。猶有天涯相見時。婉約有風人之旨。亦前人所未道過者。

通州張季直。范肯堂當世。原名錫。朱曼君銘盤。均以樸學齊名。印距相依。菘林爭羨。有哀  
雙鳳五言排律。流傳一時。亦一段佳話也。序曰。雙鳳如皋倡也。與許生有委身之誓。許貧不  
能如假母欲。過從遂簡。母既怒。鳳不悅他客。甚笞苦之。鳳竟以憂將死。屬曰。收我者許也。吾  
儕哀而爲之詩。二月。江南柳。風條。踈綠。燕批把。門巷在。裙屐。酒尊。通無意。逢花落。何  
緣救草蘇。爲君數前事。愴我鬱噉吁。碧玉家原小。紅兒貌不殊。鳳饑梧粒瘦。蟲蝕蕙  
根枯。絳樹雕闌出。青羅寶鏡摹。彈箏愁浪子。扶酒倚香奴。鬼卦金錢卜。歡情斗帳腴。  
纈雲方空曉。瑞月著難敷。含涕羞團扇。緘盟結繡襦。郎來鸚鵡覺。夢淺碧鸞扶。半臂  
宵寒冷。雙飛願忽孤。繒絺窮賸蔡。毒冒獨棲盧。豈悔偷靈藥。終難並鄂拊。隔簾牛女  
怨。遞簡角張迂。強笑成歌舞。華妝泣粉朱。縱搖雕玉佩。未剖赤心符。必枕推遺植。  
蘇台誓托吳。露蓮秋後苦。霜菊影邊癯。一病秦醫拙。千行楚淚俱。名駒猶惜骨。靈鳥  
竟辭筴。宛轉卷菴拔。淒涼杜宇呼。命殘留釧合。肌暖待禱榆。誰道城南艷。能從陌上  
夫。百金豪客贈。九鼎美人軀。往者曾平視。今來失彼姝。芙蓉慳晚墮。蘅芷際春徂。錦

悲鴛絃盡。香泥燕巢無。欲銘羅襪塚。更涕博山鑪。滄海填精衛。盤窮陰種菜。吾天涯感  
淪落。回首重躊躇。哀感頑豔。溢氣迴腸。亦可想見三君少年時才藻之盛矣。  
老友渾源田君子琮。共事奉明。投分最久。詩學玉溪。尤多心得。去夏君與遼陽袁潔珊過余  
沾上廬廬譚詩。席間於玉溪無題諸作。頗有新解。顧操晉音。不能盡曉。然其致力甚深。固無  
可疑也。君之尊人。友義丈延年。爲山右宿儒。少有才名。中年始刻意爲詩。故取高達夫五十  
能詩之意。顏所居曰希達齋。所著有希達齋詩存上下兩卷。長沙陳伯平中丞啓泰稱其淡  
靜簡古。卽其詩可想其人。早春游望云。蝶飛雙影亂。身健一筇閒。野水碧於樹。夕陽紅到山。  
暮春感事云。春原似客留難住。老不如人後可知。早秋訪菊云。傲骨自存霜未至。黃花也受  
夕陽恩。山中小榻云。潭影搖天動。鐘聲出樹遲。咏松云。無人賞貞節。祇爲太支離。讀史戲題  
云。莫謂錢神奈我何。回天奪命總由他。昭君去國文姬返。都是黃金力量多。又觀海斷句云。  
氣吞赤日一丸小。水浸蒼天四面低。卽景句云。雨濕紅開蕾。重重風吹綠。上草頭明。皆能憂  
憂獨造。不落恒蹊。且爲一時傳誦之作。集中長篇甚多。表彰遺佚。胥關風化。不及備錄。子琮

學行並美。原本趨庭。比之壽毛。洵無愧色。

巴縣楊滄伯庶堪。蜀才中之錚錚者也。覃研詩學。致力頗深。一長秋曹。旋即引退。掩關息影。吟諷自娛。近寫示近作。多閒居味道之語。雪後作云。都門雪後生清冷。燕坐讀書但煮茶。晚愛蕭疏石庭樹。靜聞剝啄似山家。已判居士從摩詰。無復仙人問少霞。一卷多羅了羣慮。如勘塵夢半空華。又聞人說故鄉戰事作此謝之云。一室靜諸緣。齋心禮佛前。法雲想十地。明月證初禪。河岸遙聞戰。鄉關久隔年。祇今思鷲嶺。無計勒燕然。深人無淺語。輒疑嚮者相知不盡。君有論詩絕句百首。方在屬草中。遣山漁洋有嗣響矣。

奚度青侗。晚當塗人。石遺詩話稱其爲詩面目。頗近散原。蓋宦游白下。與散原較稔也。登北極閣云。野氣蒼涼。秋日瘦山靈。顛劫灰多。中秋西園云。今夕何年。天不語。故人無恙。酒初溫。師山春望云。重煩春媚。我失喜。杏交花。辛酉守歲云。壯懷漸惡。仍今夕。淺醉初消。又萬端上已云。勾當春色。憐遲暮。徒倚花枝。換笑顰。皆能似散原之面目者。近寄余五十一生日。感五首。中有句云。學儒病在陋。作吏恥未循。宇宙偶着我。細若空閒塵。生滅一交臂。何者堪寵。

珍。同。業。起。情。愛。成。就。憂。患。身。哀。樂。中。年。者。固。當。同。此。感。觸。也。君。累。宰。大。邑。以。循。能。稱。所。著。有。莊。子。補。注。頗。多。發。明。蓋。能。以。經。術。飾。吏。治。者。詩。詣。之。深。特。其。餘。事。

詩。有。與。詞。並。見。者。宋。晏。元。獻。詩。無。可。奈。何。花。落。去。似。曾。相。識。燕。歸。來。二。句。本。爲。示。張。寺。丞。王。校。勘。七。律。腹。聯。後。又。以。入。浣。溪。紗。詞。卽。其。例。也。元。獻。初。得。上。句。彌。年。未。能。對。王。琪。爲。對。下。句。元。獻。大。喜。自。此。辟。置。館。職。遂。躋。侍。從。王。之。才。固。足。稱。元。獻。愛。才。之。雅。尤。爲。難。能。云。

龔。定。盒。集。於。歸。安。姚。先。生。極。致。推。崇。詩。亦。數。見。按。姚。名。學。塲。字。鏡。堂。學。問。瞻。博。品。尤。高。潔。官。京。師。數。十。年。腐。破。廟。中。不。携。眷。屬。趨。公。之。暇。以。文。酒。自。娛。朝。貴。罕。識。其。面。曾。典。貴。州。鄉。試。門。下。士。饋。贊。金。者。力。却。之。惟。贈。酒。則。受。因。是。貧。特。甚。出。不。乘。車。隨。一。僮。持。衣。囊。而。已。所。服。皮。衣。冠。毛。墮。半。見。其。髻。每。蹢。蹢。行。道。中。羣。兒。爭。指。笑。之。先。生。夷。然。自。若。也。嘗。賦。梅。子。詩。云。臭。味。偏。於。吾。輩。近。風。懷。莫。遣。女。郎。知。一。時。推。爲。絕。唱。其。他。佳。句。如。謝。人。送。菜。云。但。使。斯。民。無。此。色。願。教。我。輩。味。其。根。送。閔。貢。甫。之。揚。州。云。養。志。未。須。嫌。祿。薄。讀。書。大。好。是。官。閒。皆。清。妍。絕。俗。不。落。理。障。事。見。桐。鄉。陸。以。湑。冷。廬。雜。詩。中。先。生。本。以。樸。學。清。標。爲。一。時。模。楷。定。盒。有。柬。徵。王。君。煖。

鈴並約其偕訪歸安姚先生云。歸安醜醜百怪。宗心夷貌。惠難可雙。徵君力定。乃其亞。大呂應合黃鐘。撞又云。歸安一身四氣。有舉世但視爲秋冬。亟拉徵君詩。姚子高山大壑。長相逢。卽詩可想見先生之學養矣。

先生官兵部久。僦居宣南水月菴。定盦東陳碩甫。與並約其偕訪歸安姚先生云。枯庵有一士。長貧顏色好。避人偕訪之一覲。永相保。殆指庵居而言。桐廬袁忠節。爽秋亦有過水月庵。有懷姚鏡塘先生云。一片空明水月居。枝言春雨灑根株。道光朝士狂標格。庭翠今餘柏子無。先生之爲浙賢引重如此。蕭條異代。景慕攸同。載筆及之。亦藉以矜式頹俗也。

定盦有三別好詩。方百川遺集宋左彝學古錄外。其一卽吳駿公梅邨集也。詩云。莫從文體問高舉。生就燈前兒女詩。一種春聲忘不得。長安放學夜歸時。梅村詩格不高。無庸爲諱。然江左三大家中。要推鹿樵第一。且不僅詩工。題目亦好。擬之詩史。亦是當之。昔賢詠梅邨詩。最著者。附錄於此。吳江王載揚藻云。百首淋漓長慶體。一生慚愧義熙民。嘉定金繩武慰祖云。兩代詩名元好問。畢生心事沈初明。可謂異曲同工。然亦不無微詞矣。梅邨出山。侯朝宗

嘗遺書力阻。後有懷古兼弔朝宗詩云。死生總負侯。羸諾欲滴椒。漿淚滿襟。又臨歿詞云。故人慷慨多奇節。爲當年沈吟不斷草間偷。活千秋遺恨。識者哀之。

有史以來。年少能詩。卓然可傳者。唐惟李賀。宋惟王逢原。逢原十餘歲。王介甫見其所賦南山之田詩。大喜。期許甚至。以其夫人之女弟妻之。年甫二十有八卒。嚮使克躋中壽。其所詣。可量耶。近賢如侯官林暎。谷旭。卒年僅二十四歲。以詩格論。亦庶幾卓然成家者。而得年反不及兩君。且東市沉寃。遭逢更酷。亦可哀矣。暎。谷魁鄉薦。第一。年才十九。入都後。才名藉甚。三上公車不售。發憤爲歌詩。取徑苦澀幽僻。石遺謂爲春夏行冬令。決非所宜。言爲心聲。固有不可掩在耶。所著晚翠軒遺詩二卷。李拔可宣龔輯行。石遺爲之序。集中滬腐卽事云。獨謠負手誰能喻。百計安心或未賢。戊戌寄內云。六月長安無一事。借人亭館看西山。皆極有神理。海藏謂爲如啖橄欖。可謂稿評。君致命後。海藏挽詩云。談笑臨刑亦大難。道旁萬衆總洑淵。書生自說君恩重。廿載頭顱十日官。樓東詩老暗迴腸。客悲空花亦太狂。晚翠軒中人盡去。嘉名端合與孤嫺。兩詩皆海藏未刊稿。君配沈鵲字孟雅。爲潯園中丞之女。亦以能



詩名著。庵樓詩詞集一卷。君歿後。哀毀逾歲卒。海藏詩所謂嘉名合與孤孀者。蓋不勝惋惜之意矣。

項里在山陰西南。多楊梅。王性之賦項里楊梅句云。只今枝頭萬顆紅。猶似成陽三月火。白石道人集中曾載之。叟厂先生有宿獅子窩因過秘魔巖詩云。秋深赴霜林。常恐風先我。誰知前夕雪。斷送陸渾火。獅窩紅葉最佳。一夕霜風零落殆盡。兩詩善用火字。體物最工。

海寧王靜安國維。別字觀堂。以丁卯五月二日自沈於昆明湖內魚藻軒側。亦今之傷心人。別有懷抱者。君覃精漢學。旁及雜家。其著作已刊行者。久已流傳海內外。歿後日人橋川氏主撰之文字同盟。爲編印追悼專刊。吾國學人。日趨凋落。嗚呼如君。憔悴以死。黃鳥之哀。有識同恫。余與君民八九年間。曾於滬上愛儷園數數相見。比歲君都講上京。心儀尤切。商量舊學。又失此人。痛何如之。君歿後挽詩甚多。寶融有萬口爭哀。書種絕一池猶是鼎湖遺句。亦實錄也。

壬子癸丑間。靜安有願和園曲七古。頗爲一時傳誦。蓋學梅邨體者。見觀堂集林中。歿之前